

# 衢州文獻集成

「史部」

第  
59  
冊

# 衢州文獻集成

黃靈庚 諸葛慧艷

主編

〔史部〕

第  
59  
冊

國家圖書館出版社

# 第五九冊目錄

〔嘉慶〕常山縣志十二卷（卷八至十二）

（清）陳珪纂修

清嘉慶十八年（1813）刻本

.....

常山縣志卷之八

知縣陳珪修輯

人物 忠臣

志士仁人聖人稱之常山以忠著者自徐公幸隆汪公文璟而下皆建殊勲臨大節豈非光日月泣鬼神浩然之氣長存於龍山峩巖灑水清澈之間乎思溪之石可磨其人不沒矣志忠臣

宋

徐幸隆

字德盛舉制科補右正言以直忤時出知葭州擢淮東節制副使繼領河陽軍節鉞鎮京西宣

忠臣

和間童貫結女直攻遼諫不聽辭疾家居及靖康間金兵南侵詔以舊職起公禦之金兵至河外宣撫副使折彥質十二萬師皆潰及濟河知河陽燕英西京畱守王襄咸棄城遁惟公獨率所部力戰而死司諫李植等請如劉幹李若水例一體褒嘉以勵臣工詔贈銀青光祿大夫開府儀同三司謚襄愍遷其子大興自轉運判官守衢州軍祀鄉賢

元

汪文璟

字辰良宋畝人生有異質五六歲端坐終日如成人十一通諸經大義十八鄉舉第二泰定元年

成進士授餘姚判官陞太常禮儀院太祝遷翰林院編修聲望甚重舊居里曰慶善郡守白景亮更爲尊賢里後歷任州郡咸有惠政仕至中議大夫嶺南廣西道肅政廉訪副使以國難憂憤不食卒有歸朝藁明農藁行世載省志

明

金輝

三岡人與弟鼎同舉鄉闈歷任泗州學正建文四年成祖謁孝陵公以燕王禮見受極刑死祀鄉賢

金玉鉉

名鼎以字行洪武四年補縣學生九年貢入國子監十五年鄉試中式授戶科給事中歷國子

助教五經博士永樂四年以直諫賜死追諡節載省志

徐起家

字克齊球川人明季諸生受業於嚴印持方青峒兩先生素凜大義甲申聞國變憂憤發狂疾

至乙酉八月絕粒而卒

方三總

明末守常山城

本朝統兵張天祿從徽州經開化來攻公勒兵出北門拒戰天祿伏甲羅漢山突出要擊前徒逼河盡沒三總遂自刎死

國朝

徐洪琬

字伯玉球川人邑廩生順治乙未六月初五日處州賊魏福賢劫掠球川遇賊賊知爲書生欲

劫去之大罵遂被刃死

徐光旭

字君昇里擇人崇正壬午舉于鄉歷任昌化黃巖教諭講學興行有鸞湖鹿洞遺風諸生貧乏

者周之黃邑文廟災捐貲重建甲寅賊踞城強授以職不屈匿永嘉山中不食死嘉慶六年

賜蔭

世襲恩騎尉載省志

徐光皓

字仲昭里擇人以恩貢任山東新城知縣有惠政遇凶災力陳請旁及鄰邑民甚德之校士多

得真才解組時囊無半文旋遇閩變逼授僞職不屈死嘉慶六年

賜蔭

世襲恩騎尉與光旭俱祀鄉賢載省志

江之崑

字玉鄰甲寅夏閩賊吳安邦破常山入其家欲降之公不屈與次子世晟俱被縛罵不絕口賊

怒並斬于縣東關外妻張氏長媳曹氏孫女如娟閩門殉節載省志

吳悅

郡庠生甲寅閩變被執賊逼之俾掌書記公大罵曰吾讀聖賢書肯為爾用耶遂遇害妻魯氏守節

五十  
年卒

詹士遴

字伯純後園人幼通經史弱冠遊庠康熙己酉貢成均持身嚴肅父邦道任縣丞以醇謹稱公

克紹之事母備極孝養甲寅閩變賊執之抗志不屈以酷刑死

常山縣志卷之八

常山縣志卷之八

知縣陳珪修輯

人物 名臣

朱子名臣言行錄覽之者可以淑身可以淑世懋矣  
爍矣常邑自五代而後代有名臣書曰元首明股肱  
良編此俾後賢私淑有繇且以考一時遭遇之隆焉  
志名臣

五代

詹從効

祀名宦祠鄉賢  
祠傳見名宦

名臣

江景房

字漢臣源口人事忠懿王為鎮海軍節度判官吳越以一隅捍四方凡田賦市租諸稅數倍故

額及歸宋入朝使公上圖籍恐有司按額徵收民困無已遂鑿舟沉其籍于河詣闕自劾太宗大怒欲誅之已而大臣為解謫沁水尉屏居田里以卒未幾命右補闕王永均吳越田稅減三之二實賴公沉籍云其子孫居常開兩邑科名特盛人以為陰德之報也祀鄉賢載省志

宋

王介

字中甫章舍人言之子博學善屬文慷慨負氣喜直言交結皆天下賢豪士慶厯中舉進士嘉祐六

年開直言極諫科公與二蘇同取上第為秘書丞知靜海縣除秘閣校勘初公與安石遊甚款熙寧初安石被召不復辭公作詩諷之遂相牴牾及新法行神宗亟稱善公進疏曰願陛下師心勿師人帝以示安石安石深忌之罷判鼓院出知潮州卒於家蘇軾輓以詩子漢之渙之沆之弟余念子瀉之皆登進士第

祀鄉賢  
載省志

王漢之

字彥昭登進士任秀州司戶叅軍知金華渾池二縣為鴻臚丞知真州時詔諸道經畫財用公

言所在無簿籍不能周知願令郡縣先置籍總于諸道則天下如指掌矣從之入為開封推官歷禮部侍郎轉戶部以顯謨閣侍制知瀛州徙蘇州召拜兵部侍郎奉使契丹還知定州久之徙江寧方臘作亂錄奏報禦捕功加龍圖閣直學士進延康殿學士卒年七十

王渙之

字彥舟未冠擢上第元祐中為太學博士通判衛州徽宗立以日食求言因言求言非難聽之

難聽言非難用之難今國家每下直言之詔而下之報上乃或以指陳缺失為訕上以阿諛佞諂為忠君以議論趨時為國是以可否相濟為邪說志士仁人知言之無益也不復有言而小人肆為詭譎可駭之論取容苟合願陛下虛心公聽言無逆遜惟是之從事無今昔惟當為貴人無異同惟正是用則人心悅

治道成天意得矣帝嘉納之又以大臣薦遷吏部員外郎擢中書舍人崇寧初進給事中吏部侍郎尋入黨籍解職知舒州越八年知中山府加寶文閣直學士以疾提舉明通宮卒年四十五公性澹泊浚于仕進每云乘車常以顛墜處之乘舟常以覆溺處之仕宦常以不遇處之則無事矣其歸趣如此祀鄉賢載

入省志

趙鼎

字元鎮聞喜人登崇寧進士官洛陽令擢開封士曹叅軍高宗初權戶部員外郎薦擢司勳郎中又

擢右司諫屢遷侍御史北兵薄江上召臺諫議去畱公陳戰守避三策拜御史中丞會韓世忠有黃天蕩之捷呂頤浩請上親征公不可頤浩惡其異已改翰林學士又改吏部尚書皆不拜浩罷詔公復爲中丞俄除端明殿學士簽樞密院事後以論辛企宗除節度非軍功忤旨奉祠起知平江改建康紹興四年召拜叅知政事與簽樞密徐俯不合乃求去會邊報沓至遂畱爲相拜尚書右僕射同中書門下平章事兼

知樞密院事制下之日朝士相慶劉麟與金人合兵  
大入張浚以爲當進討公是其言卽詔浚以所部援  
世忠而命光世移兵建康且促諸道進兵大儀鎮捷  
音日至時敵兵久駐漸謀北歸命諸軍邀諸淮連破  
之金人遁去上喜歸功于公語浚曰鼎眞宰相天使  
佐朕中興社稷之幸也轉左僕射都督諸路軍馬尋  
與張浚議罷安世軍不合力疏求去及浚免復拜左  
僕射同平章事兼樞密使或有議其再相無他設  
者公曰今日之事如人患羸當靜以養之若復攻  
元氣必傷公常關和議秦檜思中傷之薦蕭振爲御  
史振劾劉大中罷之公曰振意不在大中也適給事  
中勾濤詆公公引疾乞免乃以忠武軍節度使再知  
紹興又知泉州自泉州還復上言時政檜懼復用  
王次翁詹大方等論劾不已迭加貶斥移吉陽軍尋  
得疾自書銘旌云身騎箕尾歸天上氣作山河壯本  
朝遂不食而卒先是公與魏矼范冲同隱于常之黃  
岡山遂歸葬于常山十三都石門山孝宗卽位  
詔還爵位諡忠簡追封豐國公贈太師祀鄉賢

徐大興

祀名宦祠鄉賢  
祠傳見名宦

范冲

祖禹子字元長登紹聖進士高宗召為虞部員外  
俄出為兩淮運副紹興四年帝感隆祐太后言亟

詔重修神哲兩朝實錄召公為宗少卿兼直史館因  
論熙寧創制元祐復古紹聖以降弛張不一本末先  
後各有所因又極言安石蔡京誤國之罪上嘉納之  
遷起居郎兼侍讀上雅好左氏春秋命與專講公敷  
衍經旨因以規諷上未嘗不稱善時張浚在長沙薦  
公名德老成宜備皇子訓導遂命以徽猷閣待制為  
資善堂翊善詔建國公見先納拜俄遷翰林學士用  
父事改侍讀學士尋以龍圖閣直學士奉祠居常之  
壘石卒年七十五葬容車山永年寺右公為人好義  
樂善常薦尹焞自代司馬光家屬依公為撫育之又  
為光編類講聞十卷奏御請以其族曾孫宗  
召主光祀孝宗即位錄公子以官祀鄉賢

魏砮

祀名宦祠鄉賢  
祠傳見名宦

江溥

字叔源源口人紹興十五年進士除襄陽教授輯

前後所上凡八十疏公天稟夷雅不妄喜怒而勁正  
挺特孝宗獨知之晉貳臺端入謝復面諭曰朕知卿  
有守不妄造請故特以命卿公感知遇益明目張膽  
無所忌諱直聲獵獵有郡司馬挾魏邸親吏煽奸竊  
柄嘗繕私居矯令役民壓死者十三人傷者倍之閱  
月而上不聞公劾之請以次第議罪上覽疏喜曰父  
子之間人所難言不謂卿能如此亟從無少忤於是  
權貴斂跡一時稱為真御史子公亮任四川提刑清  
亮有父風祀鄉賢

趙希瑄

字君錫初名希喆以宗人科登泰定元年進士

州推官累遷吉州刺史提舉佑神觀寧宗朝以言事  
稱旨授成州團練使進和州防禦使理宗卽位連進  
安德軍承宣使陞節度封信安郡公卒贈王諡修靖  
開府在縣治北隅今之府壇是也生五子與汶與路

與洗與澣與澣與澣皆登科御  
賜其居曰傳芳堂祀鄉賢

魏泌

上埠人宋嘉定元年進士永州通判真德秀薦于

以碑守臣之不逮臣所部有倖者入以臣朝夕所接  
與得諸聽聞如承議郎通判永州軍州事魏泌實紹  
興名臣魏公砮之後家學既有源流又從諸老先生  
遊議論文采俱不碌碌前宰零都臣在江西其政譽  
甚休及來二水兩遇關守泌實攝承孜孜撫摩人多  
稱頌其材足以剗煩劇而立事功局於貳郡未究設  
施云

趙希濤

宋宗室嘉定十三年進士累遷九卿帥閩遇旱

定公汝愚撰皇朝奏議數百卷公會為作序其生平  
文行超卓概可知矣雍正縣志云公傳已入江山  
新志要其發科登第常山選舉舊載姓名故  
特為補傳至作序之說蓋得之漁洋文集云